



# basic education

Department:  
Basic Education  
**REPUBLIC OF SOUTH AFRICA**

## NATIONAL SENIOR CERTIFICATE

**IGREYIDI 12**

**ISINDEBELE ILIMI LOKUTHOMA LOKWENGEZA (FAL)**

**IPHEPHA LESITHATHU (P3)**

**NOVEMBA 2024**

**UMHLAHLANDLELA WOKUTSHWAYA**

**IMITLOMELO: 100**

**Umhlahlandlela wokutshwaya lo unamakhasi ali-11.**

## **ISIGABA A: AMATHEKSTHI WOKUZITLAMELA (AMA-ESEYI)**

### **UMBUZO 1**

#### **TJHEJA:**

- Kiwo woke amatheksthi yelela inani lamagama aphakanyisweko. I-eseyi ephathelene nesithombe ayinikelwe isihloko esiyifaneleko.
- Indlela otlolako arhumutjhe ngayo isihloko ifanele yamukelwe nanyana ihluka kunaleyo elindelwe ngotshwayako ikani nayikhambisana nesihloko.

#### **1.1 Ngibone nasele ngisegreyidini le-12 bona kuyafundwa akudlalwa.**

##### **I-eseyi Ecocako**

##### **Nakhu okuqakathekileko nakutshwaywa le-eseyi:**

- Ohlolwako kulindeleke bona acoce bekahlathulule abonobangela abenze bona abone ukobana kuyafundwa egreyidini le-12.
- Ohlolwako kulindeleke bona atlole indaba ibe sesikhathini esidlulileko beyikholwakale nanyana kungeyokuzitlamela.
- Kufanele ohlolwako asebenzise amagama ahlathululako khudlwana nakatlola indabakhe.

**[50]**

#### **1.2 Inarha yeSewula Afrika seyilawulwa maphandle.**

##### **I-eseyi Ehlathululako/Ecocako**

##### **Nakhu okuqakathekileko nakutshwaywa le-eseyi:**

- Ohlolwako kulindeleke bona ahlathulule okwenziwa maphandle nokutjengisa bona sele alawula enarheni yeSewula Afrika.
- Ohlolwako kulindeleke bona atlole indaba ibe sesikhathini sanje beyikholwakale nanyana kungeyokuzitlamela.
- Kufanele ohlolwako asebenzise amagama ahlathululako khudlwana nakatlola indabakhe.

**[50]**

#### **1.3 Ukutlhorisana kwabafundi eenkundleni zokuthintana.**

##### **I-eseyi Ehlathululako**

##### **Nakhu okuqakathekileko nakutshwaywa le-eseyi:**

- Ohlolwako kulindeleke bona ahlathulule iindlela abafundi abatlhorisana ngazo eenkundleni zokuthintana.
- Ohlolwako kulindeleke bona atlole indaba ibe sesikhathini sanje beyikholwakale nanyana kungeyokuzitlamela.
- Kufanele ohlolwako asebenzise amagama ahlathululako khudlwana nakatlola indabakhe.

**[50]**

**1.4 Isekelo lakaRhulumende weSewula Afrika liyabonakala ebantwini benarha le.**

**I-eseyi Evezako/Eveza Imizwa Yomtloli**

**Nakhu okuqakathekileko nakutshwaywa le-eseyi:**

- Ohlolwako akaveze indima edlalwa nguRhulumende weSewula Afrika ekusekeleni abantu abatjha.
- Ohlolwako kulindeleke bona atlole indaba aveze imizwa yakhe ngesihlokvesi.

**[50]**

**1.5 Abangani babomasizabulale.**

**I-eseyi Emahlangothimabili/Emadanisako**

- Ohlolwako kulindeleke bona aveze tjhatjhalazi indima ehle nembi edlalwa bangani epilweni.
- Okuqakathekileko nge-eseyi le kukobana ohlolwako kulindeleke bona azwakale begodu angathathi ihlangothi, anikele amaphuzu amahle namambi ngokulinganako ngesihlokvesi.

**[50]**

**1.6 Ifundo isilodlhelo sekusasa elinepumelelo. Vumelana nofana uphikisane nesitatimendes.**

**I-eseyi Ephikisako/Ehlangothilinye**

**Nakhu okuqakathekileko nakutshwaywa le-eseyi:**

- Ohlolwako kulindeleke bona athome ngokobana akhethe ihlangothi azokutlola ngalo, aveze ngendlela ifundo ivula iminyango yepumelelo ngakhona nofana aphikise ngokuveza bona umuntu angaphumelela nanyana angakafundi.
- Kuqakathekile bona ohlolwako anikele amaphuzu asekela imibonwakhe nakavumelana nofana aphikisana nesitatimendes kufikela ekupheleni kwendabakhe.

**[50]**

**1.7 Kilesisithombe kubonakala umuntu obonakala angaphasi kwegandeleleko lomsebenzi.**

- Ohlolwako angakhetha nanyana ngimuphi umhlobo we-eseyi afuna ukutlola ngawo. Kungaba yi-eseyi ecocako, ehlathululako, eveza imizwa, emahlangothimabili nofana ehlangothilinye.
- Kuqakathekile bona ohlolwako aqinisekise bonyana indabakhe nesithombe ziyakhambelana.
- Ohlolwako angacoca ngemibono ebhamba nofana aveze imibono efihlakeleko ngesithombe asikhethileko.

**[50]**

**1.8 Kilesisithombe kubonakala iinthelo ezahlukahlukeneko.**

- Ohlolwako angakhetha nanyana ngimuphi umhlobo we-eseyi afuna ukutlola ngawo. Kungaba yi-eseyi ecocako, ehlathululako, eveza imizwa, emahlangothimabili nofana ehlangothilinye.
- Kuqakathekile bona ohlolwako aqinisekise bonyana indabakhe nesithombe ziyakhambelana.
- Ohlolwako angacoca ngemibono ebhamba nofana aveze imibono efihlakeleko ngesithombe asikhethileko.

**[50]**

**IMITLOMELO YESIGABA A: 50**

## ISIGABA B: AMATHEKSTHI AMADE WOKUTHINTANA

### UMBUZO 2

#### 2.1 INCWADI YOBUNGANI.

**Nakhu okuqakathekileko nakutshwaywa incwadi yobungani:**

- Iba nesiphande sinye, sitlolwe ngesandleni sokudla. Isiphande sotlolako siba nelanga elitlolwe ngesiNdebele isib: Janabari/Tjhirhweni ingasi ngesiNgisi. Tjheja: Isiphande, isilotjhisio nesiphetho azingabalwa nakubalwa inani lamagama.
- Itlolelwa umuntu owazekako, kungaba mnganakho, umnakwenu, umzawakho; njll.
- Isilotjhisio asiphakamise ibizo lomuntu omtlolelako. Isib; Jabulile, Mma, Baba; njll.
- Esingenisweni akuvele umnqopho wokutlola incwadi leyo ngobufitjhani. Isingeniso singaba mumutjho munye kufika kemithathu ubunengi. Akucocwa iindaba ezinengi.
- Emzimbeni hlathulula ngokuzeleko ihloso yokutlola incwadi ngamaphuzu azwakalako nakhambisana nesihloko onikelwe sona.
- Iba nesilayeliso. Isib. Ubalotjhise boke ekhaya/Ngilotjhisela kibo boke abangaziko ngapho; njll.
- Iba nesiphetho. Isib. Ngimi umnganakho/Ngimi umntwanakho/Ngimi umzawakho/Ngimi, bese kuthi ngaphasi kwesiphetho utlole igama lakho. Lokhu kwenzelwa ukobana loyo otlolelweko azi kuhle bonyana utlolelwe ngubani. Isibongo akufuneki ukobana usitlole ngombana niyazana ninomuntu omtlolelako.

[30]

#### 2.2 UMLANDO KAMUFI

**Nakhu okuqakathekileko nakutshwaywa umlando kamufi:**

- Unesihloko esinamagama kamufi apheleleko.
- Unamagamakhe apheleleko.
- Unelanga abelethwa ngalo.
- Unegama lendawo abelethelwa kiyo. **Tjheja:** Akungatlolwa igama lesibhedlela.
- Unamagama wababelethi bakhe.
- Unemithombo yefundo asele adlule kiyo.
- Unalokhu akuzuzako eemfunweni zakhe.
- Uneendawo asebenze kizo.
- Uneenkhundla azifumanako zangokomsebenzi.
- Ilanga akhambe ngalo ephasini.  
**Tjheja:** Akungatlolwa unobangela wokuhlongakala kwakamufi kodwana kungavezwa khunye kwalokhu: webiwe ngunokufa lokha nakakhambe ngengozi, uhlongakele ngemva kokugula isikhathi esifitjhani nofana eside nakagulileko.
- Unomndenakhe awutjhiyileko ephasini njengomyenakhe nofana ukosikazi, abentwana, ababelethi, iinzukulu zakhe nabanye ahlobana nabo ngokweengazi.  
**Tjheja:** Akungatlolwa amabizo weenini ezitjhiyweko.
- Isiphetho akube mumutjho omfitjhani wokumlayelisa nofana iinanazelo zakhe.

[30]

## 2.3 IRIVYU

### **Nakhu okuqakathekileko nakutshwaywa irivyu:**

1. Veza amaphuzu akhambelanako.
  - Ibizo lomtlozi.
  - Isihloko sencwadi.
  - Ibizo lekhamphani egadangisileko.
  - Inani lemali.
2. Tshwaya ngengaphandle lencwadi.
  - Hlathulula kafitjhani ngayo.
  - Ngendlela etlolwe ngayo.
  - Isethulo.
  - Ukuvezwa kwabalingisi.
  - Umthelela wangendlela etloleke ngayo.
  - Indlela etloleke ngayo.
  - Iimphakamiso neenqunto.
  - Umhlobo wejenri.
3. Isakhiwo sayo.
  - Isingeniso asethule umlando/isendlalelo esifitjhani, isib. Le yincwadi yami yesithathu engiyirivyuwako.
  - Emzimbeni hlathulula izehlakalo eziqakathekileko ngobufitjhani ngaphandle kokuveza tjhatjhalazi okuvele esakhiweni.
  - Isiphetho veza umbonwakho nofana isiphakamiso.
4. Isitayela nephimbo.
  - Kufanele kube liphimbo elihlelekileko nelingathathi ihlangothi.

**[30]**

## 2.4 IKULUMO-PENDULWANO

### **Nakhu okuqakathekileko nakutshwaywa ikulumo-pendulwano:**

- Njengemitlolo yoke kufanele kube khona isingeniso. Esingenisweni kulapho kwethulwa khona indaba ekuzokucocwa ngayo nokobana izokucocwa bobani nendawo lapha izokucocelwa khona.
- Akulotjhisana kungenwa endabeni zisuka zibekwa.
- Amagama walabo abakhulumako atolwa ngesandleni sesincele, abe mafitjhani nesibongo singasetjenziwa. Akutlolwa litho ngaphasi kwamagama walabo abakhulumako.
- Kutlolwa ikholoni emuva kwamagama wabantu abakhulumako.
- Amagama aveza imizwa nobujamo balabo abakhulumako akatlolwe afakwe ngaphakathi kweembayana ngemva kwekholoni etlolwe eduze negama lokhulumako nofana laloyo okhulumako.
- Ukukhethwa kwamagama kumele kutjengise ukwehlukana kwezinga lalabo abakhulumako. Isib. ubaba nakakhuluma nendodana, umntwana wesikolo nakakhuluma notitjhere.
- Ukobana ikulumo-pendulwano ithoma ngesingeniso akutjho bona akube khona isigaba esisiphetho. Isiphetho sendaba siba sekulumeni yabo, kuzwakale bonyana seiyaphetha.
- Ingaphetha ngokobana bazwane nanyana bangezواني kuye ngokobana indaba egade icocwa ikhambe njani.

**[30]**

**IMITLOMELO YESIGABA B: 30**

## ISIGABA C: AMATHEKSTHI AMAFITJHANI WOKUTHINTANA

### UMBUZO 3

#### 3.1 IPHOSTARA

**Nakhu okuqakathekileko nakutshwaywa iphostara.**

**Iphostara ifanele ibe:**

- Namaqhingana wokudosa nokwenzisa (*AIDA* ahlathulula okulandelako: *A-attention, I-interest, D-desire, A-act*) angenzasi.
  - Ukuhluthula itjhejo (*Attention*) lofundako.
  - Ukugcina itjisakalo (*Interest*) kiloyo ofundako.
  - Ukukhanukeja (*Desire*) ngemininingwana evezwe ephostareni.
  - Ukudosa umthengi bona enze/athenge (*Act*) okuthileko.
- Nemininingwana yokukhangisa ephostareni, isib. njengomkhiqizo othileko, ikhamphani ethileko, iminyanya ethileko, isitolo, njll.
- Nesiqubulo sekhamphani nofana somnyanya ephostareni.
- Nesihloko salokho okukhangiswako ngamaledere amakhulu/amagabhadlhela.
- Neenthombe ezinemibala ekhanyako ukuze udose amehlo wabantu.
- Nelimi elimumethe umqondo wokudosa/wokuyenga/wokurogela/wokudlelezela/wokwenzisa/imiqondo yelimi eliliqiniso nofana elimbono, njll.
- Nesitayela nephimbo elifanele abamukelilwazi bephostara.

[20]

#### 3.2 UMLAYEZO OMFITJHANI WE-SMS

**Nakhu okuqakathekileko nakutshwaywa umlayezo omfitjhani i-SMS:**

- Uba negama/inomboro kamaliledinini yomuntu otlolelwa umlayezo phezulu.
- Uba nelanga nesikhathi ekuthunyelwa ngaso umlayezo.
- Uba nomlayezo otlolelweko othunyelwa emuntwini ekukhulunywa naye.
- Ilimi elisetjenziswako ngilelo elifanele abamukelilwazi bawo.
- Ungatlolwa ngesikhathi sanje/esidlulileko/esizako.
- Kuba mlayezo omfitjhani nonqophileko.

[20]

#### 3.3 IINKOMBANDLELA

**Nakhu okuqakathekileko nakutshwaywa iinkombandlela.**

- Akuvele iindlela umuntu azozikhamba.
- Akuvele amagama weendawo umuntu azokudlula kizo.
- Olayelako angasebenzisa izinto zokubekisa ezingeze zasuswa ezinjengesithabathaba seentolo, isikolo, umakhiwo wesondo, itatawu nofana asebenzise isilinganiso samakhilomitha.
- Umuntu olayelwako kumele alalelisise kuhle ukuze athole lapho aya khona.
- Loyo olayela omunye asebenzise ilimi elinqophileko, elingazokulahla loyo olayelwako.

[20]

**IMITLOMELO YESIGAB C: 20**  
**INANI LOKE: 100**

**ISIGABA A: IRUBHRIKHI YOKUTSHWAYA/YOKUHLOLA I-ESEYI YELIMI LOKUTHOMA LOKWENGEZA [50 IMITLOMELO]****TJHEJA:**

- Sebenzisa irubhrikhi njalo nawutshwaya i-eseyi.
- Amamaksi asukela eli-0–50 ahlukaniwe ngamazinga weentladhluli ezi-5.
- Okumunyethweko, iqhinga lokusetjenziswa kwelimi nesitayela, lelo nalelo kghono lesitladhluli lihlukaniwe ngezina eliphezulu neliphasi.
- Isakhiwo asithintwa lizinga eliphezulu namkha eliphasi.

**IRUBHRIKHI YOKUHLOLA I-ESEYI YELIMI LOKUTHOMA LOKWENGEZA [50 IMITLOMELO]**

Iqhinga		Ngokudluleleko	Ngokwekghono	Ngokulingeneko	Ngokusisekelo	Ngokungakalingani
<b>OKUMUNYETHWEKO NOKUHLOLA</b>  (Ukuphendula) Ukuhleleka kwemiqondo yokuhlela Ukulemuka umnqopho, abamukelilwazi nobujamo  <b>30 IMITLOMELO</b>	Izinga eliphezulu	<b>28–30</b>	<b>22–24</b>	<b>16–18</b>	<b>10–12</b>	<b>4–6</b>
		- Ukuphendula okudluleleko. - Imiqondo ehlakaniphileko, netjengisa ukukhula. - Ukuhleleka okudluleleko nokukhambelana kwesingeniso, umzimba nesiphetho.	- Ukuphendula okuhle khulu. - Kunobufakazi nokukhula kwendaba okubonakalako nokumnandi. - Ukuhleleka okuhle khulu nokukhambelana kwesingeniso, umzimba nesiphetho.	- Ukuphendula okwanelisako. - Imiqondo ekhambelanako nekholisako. - Kunokuhleleka nokukhambelana okulingeneko kwesingeniso, umzimba nesiphetho.	- Ukuphendula okungakajami ndawonye. - Imiqondo engakanqophi. - Ubufakazi obuncani bokuhleleka nokukhambelana kwesingeniso, umzimba nesiphetho.	- Ukuphendula okuphume endleleni khulu. - Imiqondo enganatlha nengazwakaliko. - Imiqondo ebuyabuyelelweko. - Imiqondo engakahleleki nengakhambelaniko.
	Izinga eliphasi	<b>25–27</b>	<b>19–21</b>	<b>13–15</b>	<b>7–9</b>	<b>0–3</b>
		- Ukuphendula okudluleleko kodwana kutlhayela amatshwayo wendaba ehle. - Imiqondo ekhulileko nenokuhlakanipha. - Kunokuhleleka nokukhambelana okuhle kwesingeniso, umzimba nesiphetho.	- Ukuphendula okuhle. - Imiqondo ekarisako nekhambelanako. - Kunokuhleleka nokukhambelana okuhle kwesingeniso, umzimba nesiphetho.	- Ukuphendula okwanelisako kodwana okunganatlha. - Imiqondo izwakala/ikhambelana ngokulingeneko. - Kunokuhleleka nokukhambelana kwesingeniso, umzimba nesiphetho.	- Ukuphendula okungakhambelaniko nokusezingeni eliphasi. - Imiqondo ayikahlangani begodu ayikanqophi. - Kunokuhleleka okungakhambelani nesingeniso, umzimba nesiphetho.	- Ukuphendula isihloko akukalingwa nokulingwa. - Imiqondo engakhambelaniko nengakafaneli. - Imiqondo enganatlha nengazwakaliko.

**IRUBHRIKHI YOKUHLOLA INDABA YELIMI LOKUTHOMA LOKWENGEZA [50 IMITLOMELO] (iyaraga)**

Iqhinga		Ngokudluleleko	Ngokwekghono	Ngokulingeneko	Ngokusisekelo	Ngokungakalingani
		<b>14–15</b>	<b>11–12</b>	<b>8–9</b>	<b>5–6</b>	<b>0–3</b>
<b>ILIMI, ISITAYELA NOKU-EDITHA.</b>  Iphimbo, irejista, isitayela nelwazimagama elifanele umnqopho, abamukelilwazi nobujamo. Ukukhethwa kwamagama, ukusetjenziswa kwelimi, imithetjhwana, iimphumuzi, ihlelo nesipelinghi.	Izinga eliphezulu	- Iphimbo, irejista, isitayela nelwazimagama elifanele nelihle ngokudluleleko, elinemba umnqopho, abamukelilwazi nobujamo. - Ukusetjenziswa kwelimi kusezingeni elihle ngokudluleleko. - Ihlelo nesipelinghi esinganamphoso khulu. - Kutlanywe kuhle ngokudluleleko.	- Iphimbo, irejista, isitayela nelwazimagama elifanele umnqopho, abamukelilwazi nobujamo. - Ilimi liyanemba belisetjenziswe kuhle. - Ihlelo nesipelinghi akunamphoso khulu, zimbawo. - Kutlanywe kuhle khulu	- Iphimbo, irejista, isitayela nelwazimagama elifanele umnqopho, abamukelilwazi nobujamo. - Ukusetjenziswa kwelimi okwethula ihlathululo. - Ihlelo nesipelinghi kuneemphoso ezinengi. - Kutlanywe ngokusezingeni elilingeneko.	- Iphimbo, irejista, isitayela nelwazimagama elingakafaneli umnqopho, abamukelilwazi nobujamo. - Ukusetjenziswa kwelimi okusezingeni eliphasi. - Ihlelo nesipelinghi kuneemphoso ezinengi khulukhulu. - Kutlanywe ngokusezingeni eliphasi khulukhulu.	- Iphimbo, irejista nesitayela ezingakafaneli khulu, umnqopho abamukelilwazi nobujamo, ilwazimagama elitshayela khulu nelenza kube budisi ukuzwisisa itheksthi. - Ilimi elingazwakaliko. - Ihlelo nesipelinghi kuneemphoso ezinengi ngokudluleleko. - Kutlanywe ngokusezingeni eliphasi ngokudluleleko.
	Izinga eliphasi	<b>13</b> - Iphimbo, irejista, isitayela nelwazimagama elifanele nelihle elinemba umnqopho, abamukelilwazi nobujamo. - Ukusetjenziswa kwelimi kusezingeni elihle khulu. - Ihlelo nesipelinghi esinganamphoso ezinengi. - Kutlanywe ngokudluleleko.	<b>10</b> - Iphimbo, irejista, isitayela nelwazimagama elifanele umnqopho, abamukelilwazi nobujamo. - Ilimi liyanemba belisetjenziswe ngokufaneleko. - Ihlelo nesipelinghi kuneemphoso ezinengana. - Kutlanywe kuhle.	<b>7</b> - Iphimbo, irejista, isitayela nelwazimagama elifanele umnqopho, abamukelilwazi nobujamo ngokulingeneko. - Ukusetjenziswa kwelimi okungathuli ihlathululo. - Ihlelo nesipelinghi kuneemphoso ezinengi khulu. - Kutlanywe ngokusezingeni eliphasi.	<b>4</b> - Iphimbo, irejista, isitayela nelwazimagama elincani nelisezingeni eliphasi elingakafaneli umnqopho, abamukelilwazi nobujamo. - Ukusetjenziswa kwelimi okungakafaneli. - Ihlelo nesipelinghi kuneemphoso ezinengi khulukhulu. - Kutlanywe ngokusezingeni eliphasi ngokudluleleko.	
<b>ISAKHIWO</b>  Amatshwayo wetheksthi. Ukwakhiwa kweengaba nemitjho nokuquntulwa kwamagama ngendlela engasiyo.		<b>5</b> - Kuvezwe amatshwayo nemininingwana eqakatheke ngokudluleleko ngesakhiwo sendaba. - Kunokukhambelana okuhle ngokudluleleko kwendaba. - Imitjho neengaba kwakheke ngendlela ehle ngokudluleleko.	<b>4</b> - Amatshwayo nemininingwana evezweko kukhambelana kuhle nendaba. - Kunokukhambelana okuhle kwendaba. - Imitjho neengaba kwakheke ngendlela ehle.	<b>3</b> - Amatshwayo nemininingwana kuvezwe ngokulingeneko. - Kunokukhambelana okulingeneko kwendaba. - Imitjho neengaba kwakheke ngokulingeneko. - Indaba isanikela umqondo.	<b>2</b> - Amatshwayo neminye imininingwana yesakhiwo sendaba kuvezwe ngokusisekelo. - Ukwakheka kwemitjho neengaba kuneemphoso. - Indaba isazwakala kancani.	<b>0–1</b> - Amatshwayo nemininingwana efunekako kuyathayela. - Ukwakhiwa kwemitjho neengaba kuneemphoso ezinengi khulu. - Indaba ayinamqondo.
<b>5 IMITLOMELO</b>						

**ISITJENGISO SOKWABIWA KWEMITLOMELO:**

**Km- : (Tlola umtlomelo otholwe mfundi) L- : (Tlola umtlomelo otholwe mfundi) Sk- : (Tlola umtlomelo otholwe mfundi)**

**ISIGABA B: AMATHEKSTHI AMADE WOKUTHINTANA****IRUBHRIKHI YOKUHLOLA AMATHEKSTHI AMADE WOKUTHINTANA WELIMI LOKUTHOMA LOKWENGEZA [30 IMITLOMELO]**

<b>Iqhinga</b>	<b>Ngokudluleleko</b>	<b>Ngokwekghono</b>	<b>Ngokulingeneko</b>	<b>Ngokusisekelo</b>	<b>Ngokungakaneli</b>
<b>OKUMUNYETHWEKO, UKUHLOLA NESAKHIWO</b>	<b>15–18</b>	<b>11–14</b>	<b>8–10</b>	<b>5–7</b>	<b>0–4</b>
<ul style="list-style-type: none"> <li>-Ukuphendula nemibono.</li> <li>-Ukubuthelelwa nokuhleleka kwemibono.</li> <li>-Umnqopho, abamukelilwazi, amatshwayo/imithethjwana kanye nobujamo</li> </ul> <b>18 IMITLOMELO</b>	<ul style="list-style-type: none"> <li>- Ukuphendula okudluleleko okungaphezu kwalokho okulindelweko.</li> <li>- Imiqondo ehlakaniphileko nekhulileko.</li> <li>- Ilwazi elingeneleleko lamatshwayo wetheksthi.</li> <li>- Umtlolo unqophile.</li> <li>- Kunokukhambelana kokumunyethweko nomqondo.</li> <li>- Isakhiwo sihleleke kuhle ngokudluleleko yoke imininingwana esekela isihloko iveziwe.</li> <li>- Isakhiwo esifaneleko nesinembako.</li> </ul>	<ul style="list-style-type: none"> <li>- Ukuphendula okuhle nokutjengisa ilwazi elihle lamatshwayo wetheksthi.</li> <li>- Umtlolo unqophile, awukaphumi esihlokweni begodu usekelwe kuhle ngendlela etjengisa ikghono.</li> <li>- Kunemininingwana esekela isihloko.</li> <li>- Isakhiwo esifaneleko kodwana esinokungakhambelaniko okuncazana.</li> </ul>	<ul style="list-style-type: none"> <li>- Ukuphendula okutjengisa ilwazi lamatshwayo wetheksthi.</li> <li>- Akunakudzimelela nokukhambelana kokumunyethweko nemiqondo.</li> <li>- Eminye imininingwana esekela isihloko iveziwe.</li> <li>- Isakhiwo sifanele ngokulingeneko kodwana kunokungakhambelani.</li> </ul>	<ul style="list-style-type: none"> <li>- Ukuphendula ngokusisekelo okutjengisa ilwazi lamatshwayo wetheksthi.</li> <li>- Kunokunqopha okumbadlwana kodwana okunengi kuphambene nesihloko.</li> <li>- Imininingwana esekela isihloko imbalwa.</li> <li>- Kunobutjhapha obukhona emthethweni nematshwayeni wesakhiwo.</li> </ul>	<ul style="list-style-type: none"> <li>- Ukuphendula kutjengisa ukungabi khona kwelwazi lamatshwayo wetheksthi.</li> <li>- Akunakukhambelana kwemiqondo.</li> <li>- Imininingwana esekela isihloko imbalwa khulukhulu.</li> <li>- Akakasebenzisi amatshwayo nemithetho yesakhiwo.</li> </ul>
<b>ILIMI, ISITAYELA NOKU-EDITHA</b>	<b>10–12</b>	<b>8–9</b>	<b>6–7</b>	<b>4–5</b>	<b>0–3</b>
<ul style="list-style-type: none"> <li>-Iphimbo, irejista nesitayela kufanele umnqopho/umphumela, abamukelilwazi nobujamo.</li> <li>-Ukusetjenziswa kwelimi nemithethjwana yokutlolwa kwelimi.</li> <li>-Ukukhethwa kwamagama anembako umnqopho.</li> <li>-Ukusetjenziswa kwamatshwayo wokutlola nesipelinghi.</li> </ul> <b>12 IMITLOMELO</b>	<ul style="list-style-type: none"> <li>- Iphimbo, irejista, isitayela nelwazimagama kuwufanele kuhle khulu umnqopho, abamukelilwazi nobujamo.</li> <li>- Ihlelo lisetjenziswe ngokunembako begodu lihleleke kuhle khulu.</li> <li>- Kuneemphoso ezincani khulu.</li> </ul>	<ul style="list-style-type: none"> <li>- Iphimbo, irejista, isitayela nelwazimagama kuwufanele kuhle umnqopho, abamukelilwazi nobujamo.</li> <li>- Ihlelo lisetjenziswe ngokunembako belihleleke kuhle.</li> <li>- Akunamphoso ezinengi.</li> </ul>	<ul style="list-style-type: none"> <li>- Iphimbo, irejista, isitayela, nelwazimagama kuwufanele ngokulingeneko umnqopho, abamukelilwazi nobujamo.</li> <li>- Kuneemphoso zehlelo kodwana azilimazi ihlathululo.</li> </ul>	<ul style="list-style-type: none"> <li>- Iphimbo, irejista, isitayela nelwazimagama kuwufanele kancani umnqopho, abamukelilwazi nobujamo.</li> <li>- Kuneemphoso zehlelo ezenza bona ihlathululo ingazwakali.</li> </ul>	<ul style="list-style-type: none"> <li>- Iphimbo, irejista, isitayela nelwazimagama akukhambelani nomnqopho, abamukelilwazi nobujamo.</li> <li>- Kuneemphoso zehlelo ezinengi khulukhulu ezenza bona ihlathululo ingazwakali nakancani.</li> </ul>

**ISITJENGISO SOKWABIWA KWEMITLOMELO:****Km/-sk- : (Tlola umtlomelo otholwe mfundi)****L-: (Tlola umtlomelo otholwe mfundi)**

**ISIGABA C: AMATHEKSTHI AMAFITJHANI WOKUTHINTANA****IRUBHRIKHI YOKUHLOLA AMATHEKSTHI AMAFITJHANI WOKUTHINTANA WELIMI LOKUTHOMA LOKWENGEZA [20 IMITLOMELO]**

<b>Iqhinga</b>	<b>Ngokudluleleko</b>	<b>Ngokwekghono</b>	<b>Ngokulingeneko</b>	<b>Ngokusisekelo</b>	<b>Ngokungakaneli</b>
<b>OKUMUNYETHWEKO, UKUHFLELA NESAKHIWO</b>  -Ukuphendula nemibono. -Ukubuthelwa nokuhleleka kwemibono. - Umnqopho, abamukelilwazi, amatshwayo/imithethwana kanye nobujamo  <b>12 IMITLOMELO</b>	<b>10–12</b>  - Ukuphendula okudluleleko okungaphezu kwalokho okulindelweko. - Imiqondo ehlakaniphileko nekhulileko. - Ilwazi elingeneleleko lamatshwayo wetheksthi. - Umtlolo unqophile. - Kunokukhambelana kokumunyethweko nomqondo. - Isakhiwo sihleleke kuhle ngokudluleleko yoke imininingwana esekela isihloko iveziwe. - Isakhiwo esifaneleko nesinembako.	<b>8–9</b>  - Ukuphendula okuhle nokutjengisa ilwazi elihle lamatshwayo wetheksthi. - Umtlolo unqophile, awukaphumi esihlokweni usekelwe kuhle ngendlela etjengisa ikghono. - Kunemininingwana esekela isihloko. - Isakhiwo esifaneleko kodwana esinokungakhambelaniko okuncazana.	<b>6–7</b>  - Ukuphendula okulingeneko okutjengisa ilwazi lamatshwayo wetheksthi. - Akunakudzimelela nokukhambelana kokumunyethweko nemiqondo. - Eminye imininingwana esekela isihloko iveziwe. - Isakhiwo sifanele ngokulingeneko kodwana kunokungakhambelani.	<b>4–5</b>  - Ukuphendula ngokusisekelo kutjengisa ilwazi lamatshwayo wetheksthi. - Kunokunqophla okumbadlwana kodwana okunengi kuphambene nesihloko. - Imininingwana esekela isihloko imbalwa. - Kunobutjhapha obukhona emthethweni nematshwayeni wesakhiwo.	<b>0–3</b>  - Ukuphendula kutjengisaukhangabi khona kwelwazi lamatshwayo wetheksthi. - Akunakukhambelana kwemiqondo. - Imininingwana esekela isihloko imbalwa khulukhulu. - Akakasebenzisi amatshwayo nemithetho yesakhiwo.
<b>ILIMI, ISITAYELA NOKU-EDITHA</b>  -Iphimbo, irejista nesitayela kufanele umnqopho/umphumela, abamukelilwazi nobujamo. -Ukusetjenziswa kwelimi nemithethwana yokutlola kwelimi. -Ukukhethwa kwamagama anembako umnqopho. -Ukusetjenziswa kwamamatshwayo wokutlola nesipelingi.  <b>8 IMITLOMELO</b>	<b>7–8</b>  - Iphimbo, irejista, isitayela nelwazimagama kuwufanele kuhle khulu umnqopho, abamukelilwazi nobujamo. - Ihlelo lisetjenziswe ngokunembako belihleleke kuhle khulu. - Kuneemphoso ezincani khulu.	<b>5–6</b>  - Iphimbo, irejista, isitayela nelwazimagama kuwufanele kuhle umnqopho, abamukelilwazi nobujamo. - Ihlelo lisetjenziswe ngokunembako belihleleke kuhle. - Akunamphoso ezinengi.	<b>4</b>  - Iphimbo, irejista, isitayela, nelwazimagama kuwufanele ngokulingeneko umnqopho, abamukelilwazi nobujamo. - Kuneemphoso zehlelo kodwana azilimazi ihlathululo.	<b>3</b>  - Iphimbo, irejista, isitayela nelwazimagama kuwufanele kancani umnqopho, abamukelilwazi nobujamo. - Kuneemphoso zehlelo ezenza bona ihlathululo ingazwakali.	<b>0–2</b>  - Iphimbo, irejista, isitayela nelwazimagama akukhambelani nomnqopho, abamukelilwazi nobujamo. - Kuneemphoso zehlelo ezinengi khulukhulu ezenza bona ihlathululo ingazwakali nakancani.

**ISITJENGISO SOKWABIWA KWEMITLOMELO:****Km-/sk- : (Tlola umtlomelo otholwe mfundi)****L-: (Tlola umtlomelo otholwe mfundi)**